

Caawimaada Gurmadka Korona fayras

Faahfaahinta caawimaada wali waa la shaacinaya. Si aad u hesho xogtii ugu danbaysay booqo
<https://www.irs.gov/newsroom/economic-impact-payments-what-you-need-to-know>

Nutshell:

Si aad u hesho jeega caawimaada dhaqaalaha, waa inaad

Haysataa Lambarka Social Security (SSN) ama canshuur bixiyay sanadkii 2019, ama

- Aad haysato SSN aadna canshuur bixiyay sanadkii 2018, ama
- Aad haysato SSN aadna qaadato Gunnooyinka Hawlgabka ee Social Security, ama
- Aad haysato SSN aadna qaadato Gunnooyinka Naafada ee Social Security, ama
- Aad haysato SSN aadna qaadato Gunnooyinka Hawlgabka ee Railroad



Lacag intee dhan ayaa helayaa?

\$1,200 qofka kaligiis ah oo ay la socoto \$500 oo la siinaayo cunug kasta,

\$2,400 dadka lamaanaha ah oo ay la socoto \$500 oo la siinaayo cunug kasta



Ma la yarayn karaa cadadkaan lacageed?

- Dadka hela lacagta ka badan \$75,000 waxaa laga jari doonaa 5 boqolkiiba dakhli kasta oo cadadkaas ka badan. Dadka hela lacagta ka badan \$99,000 ma heli doonaan wax qarash ah.
- Dadka madaxa ka ah qoysaska ee hela lacagta ka badan \$112,500 waxaa laga jari doonaa 5 boqolkiiba dakhli kasta oo cadadkaas ka badan. Dadka madaxda u ah qoysaska ee hela lacagta ka badan \$135,500 ma heli doonaan wax qarash ah.
- Dadka iskudhafan, ee hela lacagta ka badan \$150,000 waxaa laga jari doonaa 5 boqolkiiba dakhli kasta oo cadadkaas ka badan. Dadka isku dhafan ee hela lacagta ka badan \$198,000 ma heli doonaan wax qarash ah.



Sidee ayaan ku helayaa lacagta?

Haddii IRS ay hayso xogta tooska ah ee koontadaada lacag shubida, waxaad lacagta si toos ah ugu helaysaa koontadaada baanka. Haddii kale, wakaaladu waxay jeega u diraysaa boostada ciwaanka ku jira canshuur celintii aad soo gudbisay 2019, ama 2918 haddii aadan wali gudbinin tii sanadkaan. IRS waa inay abuurtaa bar lasoo galin karo ama wax laga beddeli karo xogta lacag shubista tooska ah marka la gaaro Abril 17.

Iska fiiri tuugada shirkadaha sheeganaaya inay shaqadaan kuu qabanayaan



Xagee ayaan ka helayaa lacagtayda?

Lacagaha ugu horeeya waxaa lagusoo dirayaa qaab elektaroonig ah laga bilaabo Abril 9 halka jeegaga waraaqaha ah ay bilaaban doonaan dhammaadka Abril.



Ka waran haddii aanan u baahnayn inaan gudbiyo canshuur celin?

Haddii aad hesho SSD, SSR ama gunnooyinka Railroad, dawlada ayaa mar horaba kaa haysa xogta ay u baahan yihiin. IRS ayaa abuurtay bar oonleen ah oo cusub si loo caawiyo dadka aan caadiyan soo gudbin canshuur celinta. Booqo <https://www.freefillableforms.com/#/fd/EconomicImpactPayment> si aad u furato ciwaan aadna u gudbiso canshuur celin fudud. Wuxuu aad u baahan doontaa inaad furato ciwaan iimeel ah iyo Lambarka Social Security ee qo kasta oo ku jira canshuur celinta.



Haddii ay dowladdu lacag igu leedahay wali ma heli doonaa lacagta?

Waxaa laga jarayaa daymaha taageerada carruurta. Lacagta looguma talagalin in laga jaro daymaha canshuurta, daymaha ardayda, daymaha kale ee federaalka ama shaqo la'aanta.



Yaan u qalmin?

Dadka aan haysan Lambarada social security, qaxootiyaasha aan daganaanshaha haysan, iyo dadka ku tiirsan canshuur bixiyaasha kale.



Waa lacag laga jari karo canshuur ama loo xisaabiyo dakhli lagu tijaabiyo barnaamijiyada?

Maya, lacagta looma qaadan karo sidii dakhli oo kale.



Waxaa ii jooga 5 carruur ah. Ma lacag ayaa laga jarayaa cadadka aan helo.

Sharcigu malahan lacag laga jaraayo cadadka lacageed ee lagu siinaayo.



Waa maxay 'carruurtu' marka laga hadlaayo lacagtaan?

Waa muwaadin Maraykan ah oo ka yar da'da 17, oo codsiga ugu jira ilmo kugu tiirsan ahaan kaasoo aan haysan lacag ka badan nuska taageeradiisa kaasoo la noolaa canshuur bixiyaha wax ka badan nus sanad. Carruurta la korsaday iyo ilmaha dawladu biisho ayaa ku jira.



Ma heli doonaa wax lacag ah oo laygu siinaayo dadka aan carruurta ahayn ee igu tiirsan, sida ardaygayga 20 jirka ah ee kuleejka ku jira ama waalidkayga 80 jirka ah ee anigga ila nool?

Dadka kugu tiirsan ee aan carruurta ahayn xaq uma lahan lacagta caawimaada canshuurta ka timaada, dadka canshuur bixiyaasha ah ee codsada dadka ku tiirsan oo aan carruur ahayn ma heli doonaan wax lacag dheeraad ah oo ay dadkaas ku helayaan.



Maxaa dhacaaya haddii aanan gudbin canshuurahayga ilaa Luuliyo?

Qasniga ayaa adeegsan doona midkood canshuur celinada 2018 ama xogta Gunnooyinka Social Security si ay u go'aanshaan cadadka lacageed ee aad helayso.



Ilmo ayaan dhalay sanadkii lasoo dhaafay. Sidee ayay IRS kuogaanaysaa si ay iigusoo diraan \$500 ee cunugayga?

IRS waxay u badan tahay inaysan ogaan doonin si ay kuugusoo dirto \$500 ilaa inaad gudbiso maahee canshuur celintaada 2019 Aadna kudarto cunugaaga. Hase yeeshi, cunugaagu wuxuu heli doonaa caawimaada canshuurta marka aad gudbinayso canshuur celinta 2020.



Cunugaygu wuxuu 17 sano jirsaday 2019 marka hadda kadib uma qalmo deeqda canshuurta ee cunugaas. Haddii aanan gudbin IRS na ay u adeegsato canshuur celintayda 2018 lacagta ay tooska ii siinayso, miyaan heli doonaa \$500 oo dheeraad oon cunugayga ku helaayo?

Wali ma cadda sida Qasnajigu u maarayn doonto xaaladaha noocaan ah.



Maxaa dhacaaya haddii aan mar horaba helay lacagtayda, laakiin aan gudbiyay canshuur celin aan wax ka badalay taasoo keentay in lacagta aan xaqa u lahaa isbadasho?

Xisaabta ayaa mar kasta la jirisanaysa maslaxada canshuur bixiyaha. Haddii ay kuusoo diraan lacag aad dheeraad u ah, waad haysan kartaa. Haddii ay kuusoo direen lacag kayar intaad xaqa u lahayd, waxay kuusoo dirayaan lacag dheeraad ah.



Waxaan ahay arday dhawaan ka qalin jabiyyay kuleejka oo hadda ah qof madax banaan laakiin waalidkay ayaa canshuur celinta 2019 iigu qoray inaan ayaga ku tiirsanahay. Maan heli doonaa jeega?

Arintaan waxaa lagu xalin doonaa canshuur celinada 2020. Haddii aadan mar danbe ku tiirsanaan doonin waalidkaa aadna gudbiso canshuur celinta 2020 si madax banaan, waxaad heli doontaa lacagta canshuurta sanadka soo socda.

Haayada Legal Aid Society ee Columbus iyo Adeegyada Sharciga ee Koonfur-Bari Ohio (Southeastern Ohio Legal Services) ayaa siiyo caawimaad sharci oo bilaash ah dadka danyarta ah ee reer Ohio iyo dadka waayeelka ah.

614.241.2001 (Bartama Ohio) Isniinta - Jamcada 9 subaxnimo - 3:30 galabnimo.

740.383.2161 iyo 888.301.2411 (Degmooyinka Delaware, Marion, Morrow iyo Union)
Isniinta ilaa Jamcada 8:30 fiidnimo iyo 1-4:30 galabnimo.

833.288.2936 (Koonfur-Bari Ohio) Isniinta-Jamcada 8:30 subaxnimo - 12:30 duhurnimo
ama 1-5 galabnimo.

Legal Aid qofna uma takoorayso sababo la xariira isir, midab, wadanka uu kasoo jeedo, naafada, ama da'da marka la qoraayo, la daawaynaayo, ama uu ka qaybgalaayo barnaamijyadeeda, adeegyadeeda iyo shaqooyinkeeda, ama shaqada.

